

სისხლის სამართლის სტატისტიკის

ერთიანი ანგარიში

საანგარიშო პერიოდი - 2012 წლის დეკემბერი

შინაარსი

| | |
|---|----|
| თავი II. პროკურატურის სტატისტიკა | 3 |
| ნაწილი 4 - სისხლისსამართლებრივი დევნის მაჩვენებლები სსკ-ის მუხლების მიხედვით | 3 |
| 4.1 სისხლისსამართლებრივი დევნის დაწყების მაჩვენებლები | 3 |
| 4.2 სისხლისსამართლებრივი დევნის შეწყვეტა | 9 |
| 4.3 სასამართლოში წარმართვა | 12 |
| ნაწილი 5 - სტატისტიკური ინფორმაცია საპროცესო მოქმედებების მიხედვით | 12 |
| 5.1 სისხლისსამართლებრივი დევნის დაწყება | 12 |
| 5.2 სისხლისსამართლებრივი დევნის შეწყვეტა | 13 |
| 5.3 სასამართლოში წარმართვა | 14 |
| ნაწილი 6 - არასრულწლოვანთა მიმართ განხორციელებული საპროცესო მოქმედებები | 15 |
| 6.1 არასრულწლოვანთა მიერ ჩადენილი დანაშაულები | 15 |
| 6.2 სისხლისსამართლებრივი დევნის დაწყება არასრულწლოვანთა მიმართ | 16 |
| 6.3 სისხლისსამართლებრივი დევნის შეწყვეტა არასრულწლოვანთა მიმართ | 17 |
| 6.4 არასრულწლოვანთა მიმართ საქმის სასამართლოში წარმართვა | 17 |
| თავი III. სასამართლო სტატისტიკა | 18 |
| ნაწილი 7 - სასამართლოს მიერ შეფარდებული აღკვეთის ღონისძიებები..... | 18 |
| 7.1 აღკვეთის ღონისძიებების შეფარდების შედეგები | 18 |
| ნაწილი 8 - პირველი ინსტანციის სასამართლოებში განხილული სისხლის სამართლის საქმეები | 20 |
| 8.1 პირველი ინსტანციის სასამართლოების მიერ განხილულ საქმეთა საერთო რაოდენობა | 20 |
| 8.2 არსებითი განხილვით დამთავრებული საქმეები | 21 |
| 8.3 საპროცესო შეთანხმებით განხილული საქმეები | 22 |
| ნაწილი 9 - მსჯავრდებულები | 22 |
| 9.1 მსჯავრდებულთა განაწილება სასჯელის ფორმების მიხედვით | 22 |
| 9.2 მსჯავრდებულთა შემადგენლობა | 23 |

| | |
|---|-----------|
| 9.3 არასრულწლოვანი მსჯავრდებულები | 26 |
| ნაწილი 10 - დანაშაული და შეფარდებული სასჯელები | 28 |
| 10.1 დანაშაულისა და შეფარდებული სასჯელების რაოდენობა დანაშაულთა სახეების მიხედვით | 28 |
| 10.2 დანაშაულისა და დანიშნული სასჯელების რაოდენობა რეგიონების მიხედვით | 33 |
| თავი IV. სასჯელადსრულებისა და პრობაციის სტატისტიკა | 36 |
| ნაწილი 11 - საქართველოს სასჯელადსრულების, პრობაციისა და იურიდიული დახმარების საკითხთა სამინისტროს სასჯელადსრულების დეპარტამენტი..... | 36 |
| 11.1 ბრალდებულთა და მსჯავრდებულთა რაოდენობა სქესობრივ-ასაკობრივ ჯგუფში..... | 36 |
| 11.2 ბრალდებულები | 37 |
| 11.3 არასრულწლოვანი ბრალდებულები და მსჯავრდებულები | 38 |
| 11.4 მსჯავრდებულთა რაოდენობა დანაშაულის კატეგორიების მიხედვით | 39 |
| 11.5 მსჯავრდებულთა რაოდენობა დაწესებულების ტიპის მიხედვით | 40 |
| 11.6 ბრალდებულთა და მსჯავრდებულთა რაოდენობა დადგენილ ლიმიტებთან შედარებით..... | 41 |
| 11.7 უცხოელი ბრალდებულები და მსჯავრდებულები | 43 |
| 11.8 პატიმრობისა და თავისუფლების აღკვეთის (თ/ა) დაწესებულებებიდან გასულ ბრალდებულთა და მსჯავრდებულთა რაოდენობა | 44 |
| 11.9 რესოციალიზაცია | 45 |
| 11.10 დისციპლინური ღონისძიებები | 46 |
| 11.11 სასჯელადსრულების სისტემაში და სისტემის გასულ ბრალდებულთა და მსჯავრდებულთა რაოდენობა | 46 |
| 11.12 კრიმინოგენული მდგომარეობა პატიმრობისა და თავისუფლების აღკვეთის (თ/ა) დაწესებულებებში | 47 |
| 11.13 სამედიცინო მდგომარეობა პატიმრობისა და თავისუფლების აღკვეთის (თ/ა) დაწესებულებებში | 50 |
| ნაწილი 12 - საქართველოს სასჯელადსრულების, პრობაციისა და იურიდიული დახმარების საკითხთა სამინისტროს მმართველობის სფეროში მოქმედი სსიპ - პრობაციის ეროვნული სააგენტო..... | 56 |
| 12.1 პრობაციონერთა რაოდენობა | 56 |
| 12.2 პრობაციონერთა რაოდენობის მატება..... | 62 |
| 12.3 დასრულებული საქმეები | 64 |
| 12.4 საქმეების საშუალო რაოდენობა ერთ ოფიცერზე რეგიონულ ჯგუფში | 66 |
| 12.5 პრობაციონერთა რესოციალიზაცია | 66 |


თავი II. პროკურატურის სტატისტიკა¹

ნაწილი IV - სისხლისსამართლებრივი დევნის მაჩვენებლები სსკ-ის მუხლების მიხედვით

4.1 სისხლისსამართლებრივი დევნის დაწყების მაჩვენებელი

2012 წლის დეკემბერში საქართველოში სისხლისსამართლებრივი დევნის დაწყების მაჩვენებელი დანაშაულთა კატეგორიებზე დანაშაულთა ფაქტების რაოდენობის მიხედვით შემდეგნაირია: განსაკუთრებით მძიმე კატეგორიის დანაშაულზე სისხლისსამართლებრივი დევნა დაიწყო 245 შემთხვევაში, მძიმე კატეგორიის დანაშაულზე - 290, ხოლო ნაკლებად მძიმე კატეგორიის დანაშაულზე 643 შემთხვევაში.


სისხლისსამართლებრივი დევნის დაწყების მაჩვენებელი დანაშაულთა კატეგორიების მიხედვით (2012 წლის დეკემბერი)



საანგარიშო პერიოდში დევნის დაწყების მაჩვენებელი დანაშაულთა ჯგუფებიდან ყველაზე მაღალი იყო ნარკოტიკულ დანაშაულებზე (412) (იხ, დანართი ცხრილი #5).

¹ ანგარიშის ეს ნაწილი მომზადებულია მთავარი პროკურატურის სტრატეგიული განვითარებისა და ინოვაციური პროექტების მართვის დეპარტამენტის ანალიტიკური სამმართველოს მიერ.

**დევნის დაწყების მაჩვენებელი დანაშაულთა ჯგუფების მიხედვით
(2012 წლის დეკემბერი)**




2012 წლის დეკემბერში სისხლისსამართლებრივი დევნის დაწყების მაჩვენებელი სსკ-ით გათვალისწინებულ დანაშაულთა სხვა ჯგუფებში არ დაფიქსირებულა.

დევნის დაწყების მაჩვენებელი დანაშაულთა ცალკეული სახეობების მიხედვით შემდეგნაირია:


სიცოცხლის წინააღმდეგ მიმართული დანაშაულებიდან განზრახ მკვლელობის დანაშაულზე დევნა დაიწყო 10 შემთხვევაში, ხოლო მკვლელობის მცდელობის დანაშაულებზე - 12 შემთხვევაში:

**დევნის დაწყების მაჩვენებელი სიცოცხლის წინააღმდეგ მიმართულ
დანაშაულებზე
(2012 წლის დეკემბერი)**



ჯანმრთელობის წინააღმდეგ მიმართული დანაშაულებიდან ჯანმრთელობის განზრახ ნაკლებად მძიმე დაზიანებაზე დევნა დაიწყო 8 შემთხვევაში:

**დევნის დაწყების მაჩვენებელი ჯანმრთელობის წინააღმდეგ მიმართულ
დანაშაულებზე
(2012 წლის დეკემბერი)**




სქესობრივი თავისუფლებისა და ხელშეუხებლობის წინააღმდეგ მიმართული დანაშაულებიდან გაუკატიურების დანაშაულზე დევნა დაიწყო 4 შემთხვევაში.

ადამიანის უფლებებისა და თავისუფლებების წინააღმდეგ მიმართული დანაშაულებიდან თავისუფლების უკანონო აღკვეთის დანაშაულზე დევნა დაიწყო 9 შემთხვევაში.


საკუთრების წინააღმდეგ მიმართული დანაშაულებიდან დევნის დაწყების მაჩვენებელი ყველაზე მაღალი იყო ქურდობისა (278) და თაღლითობის (37) დანაშაულებზე:

დევნის დაწყების მაჩვენებელი საკუთრების წინააღმდეგ მიმართულ დანაშაულებზე (2012 წლის დეკემბერი)




საზოგადოებრივი უშიშროებისა და წესრიგის წინააღმდეგ მიმართულ დანაშაულებზე დევნის დაწყების მაჩვენებლები შემდეგნაირია: ცეცხლსასროლი იარაღის, საბრძოლო მასალის, ფეთქებადი ნივთიერების ან ასაფეთქებელი მოწყობილობის მართლსაწინააღმდეგო შეძენა, შენახვა, ტარება, დამზადება, გადაზიდვა, გადაგზავნა ან გასაღების დანაშაულზე დევნა დაიწყო 78 ფაქტზე, 21 წლის ასაკს მიუღწეველი ან ნასამართლობის მქონე ან/და ნარკოტიკების მოხმარებისთვის ადმინისტრაციულსახდელდადებული პირის მიერ ცივი იარაღის ტარების დანაშაულზე - 22, ხოლო ხულიგნობის დანაშაულზე დევნა დაიწყო 18 შემთხვევაში.

**დევნის დაწყების მაჩვენებელი საზოგადოებრივი უშიშროებისა და წესრიგის
წინააღმდეგ მიმართულ დანაშაულებზე
(2012 წლის დეკემბერი)**



ნარკოტიკული დანაშაულებიდან დევნის დაწყების მაჩვენებელი ყველაზე მაღალი იყო ისეთ დანაშაულზე, როგორცაა: პირადი მოხმარებისთვის ნარკოტიკული საშუალების, მისი ანალოგის ან პრეკურსორის მცირე ოდენობით უკანონო დამზადება, შეძენა, შენახვა ან/და ექიმის დანიშნულების გარეშე უკანონო მოხმარება (206).


**დევნის დაწყების მაჩვენებელი ნარკოტიკულ დანაშაულებზე
(2012 წლის დეკემბერი)**



სატრანსპორტო დანაშაულებიდან ტრანსპორტის მოძრაობის უსაფრთხოების, ან ექსპლუატაციის წესის დარღვევის დანაშაულზე სისხლისსამართლებრივი დევნა დაიწყო 32 შემთხვევაში.

სამოხელეო დანაშაულებზე დევნის დაწყების მაჩვენებელი მიმდინარე წლის დეკემბერში ამგვარია:

დევნის დაწყების მაჩვენებელი სამოხელეო დანაშაულებზე
(2012 წლის დეკემბერი)




მმართველობის წესის წინააღმდეგ მიმართული დანაშაულებიდან ყალბი დოკუმენტის, ბეჭდის, შტამპის, ან ბლანკის დამზადება, გასაღება, ან გამოყენების დანაშაულზე სისხლისსამართლებრივი დევნა დაიწყო 13 შემთხვევაში.

4.2 სისხლისსამართლებრივი დევნის შეწყვეტა


საანგარიშო პერიოდში დანაშაულთა კატეგორიების მიხედვით სისხლისსამართლებრივი დევნის შეწყვეტის მაჩვენებელი შემდეგნაირია: სისხლისსამართლებრივი დევნა შეწყდა მძიმე კატეგორიის დანაშაულის - 3 ფაქტზე, ნაკლებად მძიმე კატეგორიის დანაშაულის - 10 ფაქტზე, ხოლო განსაკუთრებით მძიმე კატეგორიის დანაშაულის - 4 ფაქტზე:

სისხლისსამართლებრივი დევნის შეწყვეტის მაჩვენებელი დანაშაულთა კატეგორიების მიხედვით (2012 წლის დეკემბერი)



დანაშაულთა ჯგუფების მიხედვით სისხლისსამართლებრივი დევნის შეწყვეტის მაჩვენებელი ყველაზე მაღალი იყო საკუთრების წინააღმდეგ მიმართულ დანაშაულებზე (4 ფაქტი). (იხ. დანართი ცხრილი #5).

**დევნის შეწყვეტის მაჩვენებელი დანაშაულთა ჯგუფების მიხედვით
(2012 წლის დეკემბერი)**



სისხლისსამართლებრივი დევნის შეწყვეტის მაჩვენებლები სსკ-ით გათვალისწინებულ დანაშაულთა სხვა ჯგუფებში არ დაფიქსირებულა.

დევნის შეწყვეტის მაჩვენებელი დანაშაულთა ცალკეული სახეობების მიხედვით შემდეგნაირია:

სიცოცხლის წინააღმდეგ მიმართული დანაშაულებიდან დევნის შეწყვეტის მაჩვენებელი დაფიქსირდა განზრახ მკვლელობის 1 და მკვლელობის მცდელობის - 1 დანაშაულზე:

**დევნის შეწყვეტის მაჩვენებელი სიცოცხლის წინააღმდეგ მიმართულ
დანაშაულებზე
(2012 წლის დეკემბერი)**



საკუთრების წინააღმდეგ მიმართული დანაშაულებიდან დევნის შეწყვეტის მაჩვენებლები დაფიქსირდა ქურდობის 1, თაღლითობის - 1 და ნივთის დაზიანება ან განადგურების - 1 დანაშაულზე:

**დევნის შეწყვეტის მაჩვენებელი საკუთრების წინააღმდეგ მიმართულ
დანაშაულებზე
(2012 წლის დეკემბერი)**



საზოგადოებრივი უშიშროებისა და წესრიგის წინააღმდეგ მიმართული დანაშაულებიდან სისხლისსამართლებრივი დევნის შეწყვეტის მაჩვენებელი დაფიქსირდა ცეცხლსასროლი იარაღის, საბრძოლო მასალის, ფეთქებადი ნივთიერების ან ასაფეთქებელი მოწყობილობის

მართლსაწინააღმდეგო შეძენა, შენახვა, ტარება, დამზადება, გადაზიდვა, გადაგზავნა ან გასაღების 3 დანაშაულზე.

ნარკოტიკული დანაშაულებიდან დევნის შეწყვეტის მაჩვენებელი ფიქსირდება ნარკოტიკული საშუალების, მისი ანალოგის ან პრეკურსორის უკანონო დამზადება, წარმოება, შეძენა, შენახვა, გადაზიდვა, გადაგზავნა ან გასაღების 1 დანაშაულზე.

სამოხელეო დანაშაულებიდან დევნის შეწყვეტის მაჩვენებელი ფიქსირდება სამსახურებრივი უფლებამოსილების ბოროტად გამოყენების 1 დანაშაულზე.

4.3 სასამართლოში წარმართვა?

ნაწილი V - სტატისტიკური ინფორმაცია საპროცესო მოქმედებების მიხედვით


5.1 სისხლისსამართლებრივი დევნის დაწყება

2012 წლის დეკემბერში სისხლისსამართლებრივი დევნა დაიწყო 1087 პირის მიმართ. აქედან 26,4%-მა (287 პირი) დანაშაული ჩაიდინა გამოსაცდელი ვადის გასვლამდე (იხ. დანართი ცხრილი №6).

2012 წლის დეკემბრის თვეში სისხლისსამართლებრივი დევნის დაწყების მაჩვენებლები რეგიონებისა და მთავარი პროკურატურის დეპარტამენტების მიხედვით ამგვარია:

² სტატისტიკურ პროგრამაში განხორციელებული ცვლილებების გამო, ინფორმაცია სასამართლოში წარმართულ საქმეებზე ამ ეტაპზე არ მოგვეპოვება.

სისხლისსამართლებრივი დევნის დაწყება (2012 წლის დეკემბერი)




2012 წლის დეკემბერში სისხლისსამართლებრივი დევნის დაწყების ყველაზე მაღალი პროცენტული მაჩვენებელი დაფიქსირდა **თბილისში (409 პირი)** და შეადგინა სულ დევნის დაწყების 37,6%, ხოლო ყველაზე დაბალი პროცენტული მაჩვენებელი აღინიშნა **სამეგრელო-ზემო სვანეთში (62 პირი)** და შეადგინა სულ დაწყებული დევნის 5,7% (იხ. დანართი ცხრილი №7;8) .

5.2 სისხლისსამართლებრივი დევნის შეწყვეტა

2012 წლის დეკემბრის თვეში სისხლისსამართლებრივი დევნა შეწყდა 18 პირის მიმართ. (იხ. დანართი ცხრილი №6).

სისხლისსამართლებრივი დევნის შეწყვეტის ყველაზე მაღალი პროცენტული მაჩვენებელი დაფიქსირდა **მთავარი პროკურატურის დეპარტამენტებში (5 პირი)** და შეადგინა სულ სისხლისსამართლებრივი დევნის შეწყვეტის 27,8%. (იხ. დანართი ცხრილი №7;8).

სისხლისსამართლებრივი დევნის შეწყვეტა
(2012 წლის დეკემბერი)



5.3 სასამართლოში წარმართვა³


³ სტატისტიკურ პროგრამაში განხორციელებული ცვლილებების გამო, ინფორმაცია სასამართლოში წარმართულ საქმეებზე ამ ეტაპზე არ მოგვეპოვება.

ნაწილი VI - არასრულწლოვანთა მიერ ჩადენილი დანაშაულები და მათ მიმართ განხორციელებული საპროცესო მოქმედებები.

6.1 არასრულწლოვანთა მიერ ჩადენილი დანაშაულები


2012 წლის დეკემბერში დანაშაულის ჩამდენი არასრულწლოვანი ფიგურირებდა 92 შემთხვევაში, აქედან მძიმე კატეგორიის დანაშაულზე მოდის 58% (53 დანაშაულის ფაქტი), ნაკლებად მძიმე კატეგორიის დანაშაულზე - 37% (34 დანაშაულის ფაქტი), ხოლო განსაკუთრებით მძიმე კატეგორიის დანაშაულზე - 5% (5 დანაშაულის ფაქტი):

არასრულწლოვანთა მიერ ჩადენილი დანაშაულები კატეგორიების მიხედვით (2012 წლის დეკემბერი)



საანგარიშო პერიოდში არასრულწლოვანთა მიერ ჩადენილი დანაშაულებიდან ყველაზე ხშირი იყო საკუთრების წინააღმდეგ მიმართული დანაშაული (68 დანაშაული) (იხ. დანართი ცხრილი #5).

**არასრულწლოვანთა მიერ ჩადენილი დანაშაული ჯგუფების მიხედვით
(2012 წლის დეკემბერი)**




6.2 სისხლისსამართლებრივი დევნის დაწყება არასრულწლოვანთა მიმართ

2012 წლის დეკემბერში სისხლისსამართლებრივი დევნა დაიწყო 50 არასრულწლოვანის მიმართ, აქედან 10%-მა (5 პირი) დანაშაული ჩაიდინა გამოსაცდელი ვადის გასვლამდე (იხ. დანართი ცხრილი №6).

2012 წლის დეკემბრის თვეში არასრულწლოვანთა მიმართ სისხლისსამართლებრივი დევნის დაწყების ყველაზე მაღალი პროცენტული მაჩვენებელი დაფიქსირდა **თბილისში** (19 პირი) და შეადგინა 38% სულ დევნის დაწყებაში (იხ. დანართი ცხრილი №7;8).

**სისხლისსამართლებრივი დევნის დაწყება არასრულწლოვანთა მიმართ
(2012 წლის დეკემბერი)**



მთავარი პროკურატურის დეპარტამენტებში არასრულწლოვანთა მიმართ სისხლისსამართლებრივი დევნის დაწყების მაჩვენებელი არ დაფიქსირებულა.

6.3 სისხლისსამართლებრივი დევნის შეწყვეტა არასრულწლოვანთა მიმართ

2012 წლის დეკემბერში სისხლისსამართლებრივი დევნა შეწყდა 1 არასრულწლოვნის მიმართ (თბილისის რეგიონი) (იხ. დანართი ცხრილი №6;7;8).

6.4 არასრულწლოვანთა მიმართ საქმის სასამართლოში წარმართვა⁴

⁴ სტატისტიკურ პროგრამაში განხორციელებული ცვლილებების გამო, ინფორმაცია სასამართლოში წარმართულ საქმეებზე ამ ეტაპზე არ მოგვეპოვება.


თავი III. სასამართლო სტატისტიკა

ნაწილი 7 - სასამართლოს მიერ შეფარდებული აღკვეთის ღონისძიებები

7.1 აღკვეთის ღონისძიებების შეფარდების შედეგები

2012 წლის დეკემბერში პირველი ინსტანციის სასამართლოების მიერ განხილულია საგამომიებო ორგანოებიდან აღკვეთის ღონისძიებების შეფარდებაზე შემოსული 1132 შუამდგომლობა. განხილული შუამდგომლობებიდან დაპატიმრების ხვედრითი წილი შეადგენს 33,0%-ს, გირაოს ხვედრითი წილი - 66,9%-ს (იხ. დანართი ცხრილი №9).

განხილული შუამდგომლობები




სულ განხილული შუამდგომლობიდან სასამართლოს მიერ დაკმაყოფილებულ იქნა 887 შუამდგომლობა, ანუ 78,4%. მათ შორის: დაპატიმრების შეფარდებაზე განხილული შუამდგომლობებიდან სასამართლოს მიერ დაკმაყოფილებულ იქნა 73,5%, გირაოს შეფარდებაზე დაკმაყოფილებულ იქნა 80,8%.

დატოვებულია განუხილველად საპროცესო შეთანხმების დამტკიცების გამო საგამოძიებო ორგანოებიდან შემოსული 128 შუამდგომლობა, ანუ 11,3%.


საგამოძიებო ორგანოებიდან შემოსული შუამდგომლობებიდან უარი ეთქვა მოცემული შუამდგომლობის შეფარდებაზე და შეეფარდა სხვა ადვკეთის ღონისძიება 117 შუამდგომლობას, ანუ 10,3%-ს;

შუამდგომლობების განხილვის შედეგები



2012 წლის დეკემბერში სულ შეფარდებული ადვკეთის ღონისძიებებიდან დაკატირებაზე მოდის 27,4% (274), გირაოზე - 69,9% (700).

შეფარდებული აღკვეთის ღონისძიებები



2012 წლის დეკემბერში პირველი ინსტანციის სასამართლოების მიერ სულ შეფარდებული 1001 აღკვეთის ღონისძიებიდან საპატიმრო იყო 274, ანუ 27,4%, ხოლო არასაპატიმრო - 727, ანუ 72,6%. არასაპატიმრო აღკვეთის ღონისძიებებში შეფარდებული გირაოს ხვედრითმა წილმა შეადგინა 96,3%.


ნაწილი 8 - პირველი ინსტანციის სასამართლოებში განხილული სისხლის სამართლის საქმეები

8.1 პირველი ინსტანციის სასამართლოების მიერ განხილულ საქმეთა საერთო რაოდენობა

2012 წლის დეკემბერში პირველი ინსტანციის სასამართლოებში განხილულია 609 საქმე 761 პირის მიმართ, აქედან განაჩენის გამოტანით განხილულია 580 საქმე, ანუ 95,2%, დაუბრუნდა პროკურატურას 11 საქმე, ანუ 1,8%, შეწყდა 18 საქმე, ანუ 3,0% (იხ. დანართი ცხრილი # 10).

2012 წლის დეკემბერში განაჩენის გამოტანით განხილული საქმეებიდან საპროცესო შეთანხმებით განხილული იყო 506 საქმე (სულ განხილული საქმეების 87,2%) 636 პირის მიმართ (სულ განხილული პირების 87,7%), არსებითი განხილვით დამთავრდა 74 საქმე (შესაბამისად 12,8%) 89 პირის მიმართ (12,3%).

პირველი ინსტანციის სასამართლოებში არსებითად და საპროცესო შეთანხმებით განხილული საქმეების ხვედრითი წილი განაჩენის გამოტანით განხილულ საქმეებში



8.2 არსებითი განხილვით დამთავრებული საქმეები

2012 წლის დეკემბერში პირველი ინსტანციის სასამართლოებში არსებითი განხილვით დამთავრებული 74 საქმიდან გამამტყუნებელი განაჩენი გამოტანილ იქნა 68 საქმეზე, გამამართლებელი განაჩენი - 3 საქმეზე, ნაწილობრივ გამამართლებელი განაჩენი - 3 საქმეზე (იხ. დანართი ცხრილი #11).

2012 წლის დეკემბერში სულ არსებითი განხილვით მსჯავრდებული, გამართლებული და შეწყვეტილი 112 პირიდან გამართლებული პირების ხვედრითი წილი შეადგენს 2,7%-ს, ნაწილობრივ გამართლებულ პირთა რიცხვი - 3,6%-ს, ხოლო იმ პირთა ხვედრითი წილი, რომელთა მიმართაც საქმე შეწყდა შეადგენს 20,5%-ს (იხ. დანართი ცხრილი #12).

8.3 საპროცესო შეთანხმებით განხილული საქმეები

2012 წლის დეკემბერში პირველი ინსტანციის სასამართლოებში საპროცესო შეთანხმებით შემოსული იყო 285 სისხლის სამართლის საქმე 329 პირის მიმართ. საპროცესო შეთანხმებით განაჩენი გამოტანილ იქნა 506 საქმეზე 636 პირის მიმართ. საპროცესო შეთანხმებით გამოტანილ განაჩენებში საბრალდებო დასკვნით შემოსული საქმეების ხვედრითი წილი შეადგენს 45,6%-ს (იხ. დანართი ცხრილი # 13).


ნაწილი 9 - მსჯავრდებულები

9.1 მსჯავრდებულთა განაწილება სასჯელის ფორმების მიხედვით

2012 წლის დეკემბერში სულ მსჯავრდებული 721 პირიდან:

- თავისუფლების აღკვეთა შეეფარდა 254 პირს, ანუ 35,2%-ს;
- პირობითი მსჯავრი შეეფარდა 406 პირს, ანუ 56,3%-ს;
- ჯარიმა შეეფარდა 55 პირს, ანუ 7,6%-ს;
- საზოგადოებისათვის სასარგებლო შრომა 5 პირის, ანუ 0,7%.

მსჯავრდებულთა განაწილება სასჯელის ფორმების მიხედვით



9.2 მსჯავრდებულთა შემადგენლობა


2012 წლის დეკემბერში სულ მსჯავრდებული 721 პირიდან მამაკაცი შეადგენდა 90,4%-ს, ხოლო ქალი 9,6%-ს.

ალკოჰოლურ სიმთვრალეში ჩადენილი დანაშაულის ხვედრითი წილი შეადგენდა 1,1%-ს, ნარკოტიკულ სიმთვრალეში კი 5,7%-ს; ჯგუფში ჩადენილი დანაშაულის ხვედრითი წილი შეადგენს 5,8%-ს. სოფლად ჩადენილი დანაშაული შეადგენს 18,4%-ს. სულ მსჯავრდებული პირებიდან სხვა სახელმწიფოს მოქალაქე იყო 4,3% (იხ. დანართი ცხრილი # 14).

ასაკის მიხედვით მსჯავრდებულები ნაწილდება შემდეგნაირად:


- 14-17 წლის ასაკის მსჯავრდებულია 41 პირი, რაც შეადგენს 5,7%-ს,
- 18-24 წლის ასაკის - 133 პირი, ანუ 18,4%,
- 25-29 წლის ასაკის - 115 პირი, ანუ 16,0%,
- 30-49 წლის ასაკის - 321 პირი, ანუ 44,5%;
- 50 წლის ზევით ასაკის - 111 პირი, ანუ 15,4 %.

მსჯავრდებულთა განაწილება ასაკის მიხედვით



მსჯავრდებულთა შორის არასრული საშუალო განათლების მქონეა 41 პირი, ანუ 4,4%, საშუალო განათლების მქონეა 559 პირი, ანუ 77,5%, უმაღლესი განათლების მქონეა 125 პირი, ანუ 17,3%,


მსჯავრდებულთა განაწილება განათლების დონის მიხედვით



721 მსჯავრდებული პირიდან:

- უმუშევარია 575, ანუ 79,8%
- კომერციული ან სხვა ორგანიზაციის მოსამსახურეა 41, ანუ 5,7%
- სხვა მომუშავეა 44, ანუ 6,1%
- კერძო მეწარმეა 7, ანუ 1,0%
- მოსწავლე ან სტუდენტია 22, ანუ 3,1%
- საჯარო მოსამსახურეა 16, ანუ 2,2% და სხვა.

**მსჯავრდებულთა გადანაწილება საქმიანობის მიხედვით
(პროცენტობით)**



მოუხსნელი და გაუქმდებილი ნასამართლობის მქონეა მსჯავრდებულთა 4,3%.


9.3 არასრულწლოვანი მსჯავრდებულები

2012 წლის დეკემბერში მსჯავრდებული იყო 41 არასრულწლოვანი, 5,7%-ს.

არასრულწლოვანი მსჯავრდებულებიდან ვაჟი იყო 40, ანუ 97,6%, გოგონა 1, ანუ 2,4%. არ მუშაობდა და არ სწავლობდა 26 არასრულწლოვანი, ანუ სულ მსჯავრდებული არასრულწლოვნების 63,4%, ჯგუფში დანაშაული ჩადენილი აქვს 8 პირს, ანუ 19,5%-ს (იხ. დანართი ცხრილი # 15).

2012 წლის დეკემბერში სულ მსჯავრდებული 41 არასრულწლოვანიდან თავისუფლების აღკვეთა შეეფარდა 12 პირს, ანუ 29,3%-ს, პირობითი მსჯავრი 23 პირს, ანუ 56,1%-ს, ჯარიმა 6 პირს, ანუ 14,6%-ს.

არასრულწლოვან მსჯავრდებულთა განაწილება სასჯელების მიხედვით



მსჯავრდებული 41 არასრულწლოვანი პირი დანაშაულის სახეების მიხედვით ნაწილდება შემდეგნაირად:

- ქურდობისათვის მსჯავრი დაედო 21 პირს, ანუ 51,2%, მათ შორის თავისუფლების აღკვეთა შეეფარდა 3 პირს, ანუ 14,3%-ს;
- ყაჩაღობისათვის - 5 პირს, ანუ 12,2%, მათ შორის თავისუფლების აღკვეთა შეეფარდა 100,0%-ს;
- განძრახ მკვლელობისათვის 2 პირს, ანუ 4,9%-ს, მათ შორის თავისუფლების აღკვეთა შეეფარდა 2 პირს, ანუ 100,0%-ს; (იხ. დანართი ცხრილები №16,17).

რეგიონების მიხედვით არასრულწლოვანი მსჯავრდებულები ნაწილდებიან შემდეგნაირად:

- თბილისის საქალაქო სასამართლოს მიერ მსჯავრდებულ იქნა 17 არასრულწლოვანი, ანუ 41,5%;

- აჭარის სასამართლოების მიერ მსჯავრდებულ იქნა 8 არასრულწლოვანი, ანუ 19,5%;

- ქვემო ქართლის სასამართლოების მიერ მსჯავრდებულ იქნა 5 არასრულწლოვანი, ანუ 12,2%;

სამცხე-ჯავახეთის სასამართლოების მიერ მსჯავრდებულ იქნა 4 არასრულწლოვანი, ანუ 9,8% და სხვა (იხ. დანართი ცხრილი # 18).

ნაწილი 10 - დანაშაული და შეფარდებული სასჯელები


10.1 დანაშაულისა და შეფარდებული სასჯელების რაოდენობა დანაშაულთა სახეების მიხედვით

2012 წლის დეკემბერში პირველი ინსტანციის სასამართლოების მიერ განაჩენის გამოტანით განხილულ იქნა 580 საქმე 725 პირის მიმართ (მათ შორის 3 პირის მიერ გამოტანილია გამამართლებელი განაჩენი, ხოლო 1 პირის მიმართ - განაჩენი სასჯელის დაუნიშნავად). მსჯავრდებული 721 პირის მიერ ჩადენილი იყო 879 დანაშაული, ხოლო დანაშაულის თითოეული ეპიზოდისათვის დანიშნულ იქნა 995 სასჯელი (იხ. დანართი ცხრილი # 19).

2012 წლის დეკემბერში მსჯავრდებული პირების მიერ ჩადენილი განსაკუთრებით მძიმე დანაშაული შეადგენს 13,9%-ს, მძიმე დანაშაული - 39,6%-ს, ნაკლებად მძიმე დანაშაული - 46,5%-ს.

ჩადენილი დანაშაულებისათვის დანიშნული 995 სასჯელიდან განსაკუთრებით მძიმე დანაშაულისათვის შეფარდებული სასჯელი შეადგენს 13,5%-ს, მძიმე დანაშაულისათვის შეფარდებული სასჯელი - 44,6%-ს, ნაკლებად მძიმე დანაშაულისათვის შეფარდებული სასჯელი - 41,9%-ს.

მსჯავრდებულთა მიერ ჩადენილი დანაშაულებისა და ჩადენილი დანაშაულებისათვის
 დანიშნული სასჯელების სტრუქტურა დანაშაულის კატეგორიების მიხედვით




განსაკუთრებით მძიმე დანაშაულისათვის შეფარდებულ სასჯელებში თავისუფლების აღკვეთის ხვედრითი წილი შეადგენს 44,0%-ს, პირობითი მსჯავრის - 56,0%-ს.

მძიმე დანაშაულისათვის შეფარდებულ სასჯელებში თავისუფლების აღკვეთის ხვედრითი წილი შეადგენს 58,3%-ს, პირობითი მსჯავრის - 38,5%-ს, ჯარიმის - 2,9%-ს .

ნაკლებად მძიმე დანაშაულისათვის შეფარდებულ სასჯელებში თავისუფლების აღკვეთის ხვედრითი წილი შეადგენს 23,3%-ს, პირობითი მსჯავრის - 55,4%-ს, ჯარიმის - 20,1%-ს, საზოგადოებისათვის სასარგებლო შრომის - 1,2%-ს.


ჩადენილი დანაშაულებისათვის დანიშნული სასჯელების ფორმების

სტრუქტურა დანაშაულის კატეგორიების მიხედვით



2012 წლის დეკემბერში მსჯავრდებული პირების მიერ ჩადენილია 78 ძალადობრივი დანაშაული, რაც სულ ჩადენილ დანაშაულში შეადგენს 8,9%-ს, აღნიშნული დანაშაულებისათვის დანიშნულია 92 სასჯელი, ანუ 9,2%. პირველი ინსტანციის სასამართლოების მიერ ძალადობრივი დანაშაულისათვის დანიშნულ სასჯელებში თავისუფლების აღკვეთის ხვედრითი წილი შეადგენს 64,1%-ს, პირობითი მსჯავრის 19,6%-ს, ჯარიმის - 13,0%-ს, საზოგადოებისათვის სასარგებლო შრომის 3,3%-ს.


ძალადობრივი დანაშაულებისათვის დანიშნული სასჯელები



დეკემბერში მსჯავრდებული პირების მიერ ჩადენილი დანაშაულებიდან კორუფციული დანაშაულის ხვედრითი წილი შეადგენს 3,1%-ს, დანიშნული სასჯელების ხვედრითი წილი - 2,9%-ს (იხ. დანართი ცხრილი # 20).

საანგარიშო პერიოდში მსჯავრდებული პირების მიერ ჩადენილ დანაშაულში ყველაზე მაღალი ხვედრითი წილი მოდის: საკუთრების წინააღმდეგ მიმართულ დანაშაულზე - 44,4% (390), შემდეგ მოდის ნარკოტიკულ დანაშაულზე - 19,3% (170), მმართველობის წესის წინააღმდეგ დანაშაულზე 10,5% (92), საზოგადოებრივი უშიშროებისა და წესრიგის წინააღმდეგ დანაშაულზე - 8,1% (71), დანაშაული ჯანმრთელობის წინააღმდეგ 3,8% (33) და სხვა.


მსჯავრდებული პირების მიერ ჩადენილი დანაშაულების სტრუქტურა



2012 წლის დეკემბერში დანაშაულის თითოეული ეპიზოდისათვის დანიშნული 995 სასჯელიდან:

- თავისუფლების აღკვეთა შეადგენს 41,7%-ს (415);
- პირობითი მსჯავრი 47,9%-ს (477);
- ჯარიმა 9,7%-ს (97);
- საზოგადოებისათვის სასარგებლო შრომა 0,5%-ს (5).


დანაშაულის თითოეული ეპიზოდისათვის დანიშნული სასჯელების სტრუქტურა



10.2 დანაშაულისა და დანიშნული სასჯელების რაოდენობა რეგიონების მიხედვით


2012 წლის დეკემბერში პირველი ინსტანციის სასამართლოებში დანაშაულის თითოეული ეპიზოდისათვის შეფარდებული სასჯელებიდან 497, ანუ 49,9% მოდის თბილისის საქალაქო სასამართლოზე, იმერეთის სასამართლოებზე - 111, ანუ 11,2%, ქვემო ქართლის სასამართლოებზე - 93, ანუ 9,3%, აჭარის სასამართლოებზე - 85, ანუ 8,5% და სხვა (იხ. დანართი ცხრილი # 21).

ჩადენილი დანაშაულისა და დანიშნული სასჯელების განაწილება რეგიონების მიხედვით



ჩადენილი დანაშაულებისათვის დანიშნული სასჯელების ფორმების

სტრუქტურა რეგიონალურ ჭრილში (პროცენტობით)



თითოეული დანაშაულისათვის შეფარდებულ სასჯელის ღონისძიებებში თავისუფლების აღკვეთის მაღალი ხვედრითი წილი მოდის: იმერეთზე - 66,7%, შიდა ქართლზე - 60,0%, გურიაზე - 56,0%, აჭარაზე - 45,9%, ქვემო ქართლზე - 43,0 და ა.შ.

პირობითი მსჯავრის მაღალი ხვედრითი წილი მოდის: რაჭაზე - 100%, სამეგრელო-ზემო სვანეთზე - 58,5%, სამცხე-ჯავახეთზე - 55,9%, თბილისზე - 55,7%, კახეთზე - 54,3%, მცხეთა-მთიანეთზე - 50,0% და ა.შ.

ჯარიმის მაღალი ხვედრითი წილით გამოირჩევა: აჭარა - 29,4%, სამცხე-ჯავახეთი - 17,6%, ქვემო ქართლი - 15,1%, კახეთი - 14,3%, თბილისი - 7,6% და სხვა.

თავი IV. სასჯელაღსრულებისა და პრობაციის სტატისტიკა

ნაწილი 11 - საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს სასჯელაღსრულების დეპარტამენტი

11.1 ბრალდებულთა და მსჯავრდებულთა⁵ რაოდენობა სქესობრივ-ასაკობრივ ჭრილში

ბრალდებულთა და მსჯავრდებულთა საერთო რაოდენობის შედარება საქართველოს მოსახლეობის რაოდენობასთან სქესობრივ ჭრილში

2012 წლის დეკემბრის მდგომარეობით სასჯელაღსრულების დეპარტამენტის პატიმრობისა და თავისუფლების აღკვეთის დაწესებულებებში განთავსებული იყო სულ 19 349 პირი. მათგან 18 423 კაცი და 926 ქალია.


საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს (შემდგომში - „სამინისტროს“) სამართლებრივი უზრუნველყოფის დეპარტამენტის იურიდიული და სტატისტიკურ-ანალიტიკურ სამმართველოში ყოველთვიურად ხდება ბრალდებულებისა და მსჯავრდებულების საერთო რაოდენობის პროცენტული შედარება საქართველოს მოსახლეობის საქართველოს სტატისტიკის ეროვნული სამსახურის 2012 წლის 1 იანვრის მონაცემებით დაფიქსირებულ რაოდენობასთან. ქვეყნის მოსახლეობის აღნიშნულ რაოდენობასთან სასჯელაღსრულების დეპარტამენტის მიმდინარე წლის დეკემბრის მონაცემების შედარების შედეგად პატიმრების საერთო რიცხვმა (19 349) ქვეყნის მოსახლეობის საერთო რაოდენობის (4 497 600) 0.43% შეადგინა. მამრობითი სქესის პატიმრები (18 423) ქვეყნის მამრობითი სქესის მოსახლეობის (2 143 800) 0.86%-ს, ხოლო მდედრობითი სქესის პატიმრები (926) ქვეყნის მდედრობითი სქესის მოსახლეობის (2 353 800) 0.04%-ს შეადგენენ (იხ. დანართი, ცხრილი №22).

ბრალდებულთა და მსჯავრდებულთა რაოდენობა სქესობრივ-ასაკობრივ ჯგუფებში

სქესობრივ-ასაკობრივ ჭრილში ბრალდებულთა და მსჯავრდებულთა საერთო რაოდენობის ყველაზე მეტი ხვედრითი წილი სრულწლოვან კაცებზე მოდის (18 301). ქვემოთ მოცემულია ყველა დაწესებულებაში განთავსებულ ბრალდებულთა და მსჯავრდებულთა საერთო რაოდენობის ამსახველი დიაგრამები სქესობრივ-ასაკობრივ ჭრილში, სადაც უფრო დეტალურად არის ნაჩვენები სქესობრივი და ასაკობრივი ჯგუფების პროცენტული წილის ურთიერთმიმართება (იხ. დანართი, ცხრილი №23, №24):


⁵ წინამდებარე ანგარიშში პატიმრობისა და თავისუფლების აღკვეთის (თ/ა) დაწესებულებებში განთავსებული ყველა პირი აღინიშნება ტერმინით „ბრალდებულები“ და „მსჯავრდებულები“. იგივე კატეგორია შეიძლება აღინიშნებოდეს ასევე საერთო აღმნიშვნელი ტერმინით - „პატიმრები“.

**ბრალდებულები და მსჯავრდებულები
ასაკობრივ ჯგუფში**



როგორც მოცემული დიაგრამიდან ჩანს, ყველაზე ახალგაზრდა და ყველაზე ხანდაზმული ბრალდებულები და მსჯავრდებულები საერთო რაოდენობის ყველაზე ნაკლები პროცენტული მაჩვენებლებით ხასიათდებიან.

**ბრალდებულები და მსჯავრდებულები
სქესობრივ-ასაკობრივ ჯგუფში**




11.2 ბრალდებულები⁶

2012 წლის დეკემბრის თვეში 9 პატიმრობისა და თ/ა დაწესებულებაში სულ 862 ბრალდებული ირიცხებოდა. საერთო შეფარდებით პატიმრობისა და თ/ა დაწესებულებებში განთავსებულ პირთა

⁶ წინამდებარე ანგარიშში ტერმინი „ბრალდებულები“ აღნიშნავს პატიმრობისა და თავისუფლების აღკვეთის (თ/ა) დაწესებულებებში განთავსებულ არამსჯავრდებულ პირებს.

4.5%-ს ბრალდებულები შეადგენენ. დაწესებულებებს შორის მათი ხვედრითი წილი შემდეგნაირად ნაწილდება (იხ. დანართი, ცხრილი №25):




როგორც ზემოთ მოცემული დიაგრამიდან ჩანს, ყველაზე მეტი ბრალდებული 2012 წლის დეკემბრისთვის №8 დაწესებულებაში ირიცხებოდა.

11.3 არასრულწლოვანი ბრალდებულები და მსჯავრდებულები


2012 წლის დეკემბრის მონაცემებით საქართველოს სასჯელაღსრულებით სისტემაში განთავსებული არასრულწლოვანი პატიმრების რიცხვი (123) ბრალდებულთა და მსჯავრდებულთა საერთო რაოდენობის 0.6%-ს უტოლდება. მათგან 34 ბრალდებულია. არასრულწლოვანი ბრალდებულების რიცხვი ბრალდებულთა საერთო რაოდენობის 3.9%-ს, ხოლო არასრულწლოვანი პატიმრების საერთო რაოდენობის 27.6%-ს შეადგენს. მათგან ყველა (34) მამრობითი სქესისაა. ქვემოთ მოცემულია დაწესებულებებში მათი განაწილების ამსახველი სურათი (იხ. დანართი, ცხრილი №26):

არასრულწლოვანი ბრალდებულები



123 არასრულწლოვანი მსჯავრდებულიდან 1 ქალია. არასრულწლოვანი მსჯავრდებულების რიცხვი მსჯავრდებულთა საერთო რაოდენობის 0.5%-ს, ხოლო არასრულწლოვანი პატიმრების საერთო რაოდენობის 72.4%-ს შეადგენს. მათი საერთო რაოდენობის პატიმრობისა და თ/ა დაწესებულებებში განაწილების მაჩვენებელი შემდეგია (იხ. დანართი, ცხრილი №26):


არასრულწლოვანი მსჯავრდებულები



11.4 მსჯავრდებულთა რაოდენობა დანაშაულის კატეგორიის მიხედვით

2012 წლის დეკემბრის თვეში პატიმრობისა და თ/ა დაწესებულებებში განთავსებული მსჯავრდებულები პატიმართა საერთო რაოდენობის 95.5%-ს შეადგენს. მათგან უმეტესობას განსაკუთრებით მძიმე დანაშაულისთვის მსჯავრდებული პირები წარმოადგენენ. ასევე, დიდი ხვედრითი წილი აქვს მძიმე დანაშაულისთვის მსჯავრდებულების რაოდენობასაც (იხ. დანართი, ცხრილი №27).

მსჯავრდებულები დანაშაულის კატეგორიის მიხედვით




11.5 მსჯავრდებულთა რაოდენობა დაწესებულების ტიპის მიხედვით

2012 წლის დეკემბერში მსჯავრდებულთა რიცხვი, რომელთაც თავისუფლების აღკვეთის დაწესებულებათა ტიპები⁷ განესაზღვრათ 18 487-ს, ხოლო დაწესებულების განსაზღვრის მოლოდინში მყოფ მსჯავრდებულთა რაოდენობა 220-ს შეადგენდა. მათი რაოდენობა შეფარდებული დაწესებულების ტიპის მიხედვით შემდეგნაირად ნაწილდება (იხ. დანართი, ცხრილი №28):

⁷ თავისუფლების აღკვეთის დაწესებულებებში ერთიანდება შემდეგი ტიპის დაწესებულებები: ნახევრად ღია, დახურული და არასრულწლოვანთა სპეციალური.

მსჯავრდებულები დაწესებულების ტიპის მიხედვით



11.6 ბრალდებულთა და მსჯავრდებულთა რაოდენობა დადგენილ ლიმიტებთან შედარებით


„საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს სასჯელაღსრულების დეპარტამენტის პატიმრობისა და თავისუფლების აღკვეთის დაწესებულებების შესახებ“ საქართველოს სასჯელაღსრულების, პრობაციისა და იურიდიული დახმარების საკითხთა მინისტრის 2010 წლის 27 დეკემბრის №184 ბრძანებით⁸ დადგენილია ბრალდებულთა და მსჯავრდებულთა რაოდენობრივი ლიმიტი თითოეული დაწესებულებისთვის. დაწესებულებებში განთავსებულ პირთა რეალური რაოდენობის შედარება ლიმიტირებულ რაოდენობასთან ხდება თითოეულ დაწესებულებასთან მიმართებაში.

საქართველოს სასჯელაღსრულების სისტემას დაქვემდებარებულ 17 დაწესებულებაში არსებული საპატიმრო ადგილების საერთო ლიმიტირებული რაოდენობა 25 354-ს შეადგენს. 2012 წლის დეკემბრის მონაცემებით ბრალდებულთა და მსჯავრდებულთა საერთო რაოდენობა (19 349) ამ ზღვარზე 6 005 ერთეულით (23.7%-ით) ნაკლებია. ამ მხრივ სხვადასხვა დაწესებულებაში განსხვავებული მდგომარეობაა. ქვემოთ მოცემულ ორ გრაფიკზე აღნიშნულია დაწესებულებების ჩამონათვალი ლიმიტებით, სადაც კლების ან მატების ნიშნით წამდგარებული პროცენტული მაჩვენებლის ქვემოთ ფრჩხილებში მოცემულია პროცენტული რაოდენობის შესაბამისი ციფრი.

⁸ საქართველოს სასჯელაღსრულების პრობაციისა და იურიდიული დახმარების საკითხთა მინისტრის 2012 წლის 7 მაისის №63 ბრძანებით შეტანილ იქნა ცვლილება საქართველოს სასჯელაღსრულების, პრობაციისა და იურიდიული დახმარების საკითხთა მინისტრის 2010 წლის 27 დეკემბრის №184 ბრძანებაში. ცვლილების საფუძველზე გაუქმდა №10 და №13 დაწესებულებები, ხოლო №1, №4, №5, №6, №9, №12, №14 და №15 დაწესებულებების ბრალდებულთა და მსჯავრდებულთა დადგენილი რაოდენობრივი ლიმიტები შეიცვალა, რაც შესაბამისად ასახულია წინამდებარე ანგარიშში მოცემულ დიაგრამებსა და თანდართულ ცხრილში.

ამდენად თითოეულ დაწესებულებაში ბრალდებულთა და მსჯავრდებულთა ამჟამინდელი რაოდენობის დადგენილ ლიმიტზე სიჭარბე ან ნაკლებობა გრაფიკზე გამოსახულია როგორც რაოდენობრივი, ასევე პროცენტული მაჩვენებლის ფორმით (იხ. დანართი, ცხრილი №29):

ბრალდებულთა და მსჯავრდებულთა რაოდენობა დადგენილ ლიმიტებთან შედარებით მეტობისა და ნაკლებობის მაჩვენებლებით



როგორც მოცემული გრაფიკებიდან ჩანს, 2012 წლის დეკემბერში მხოლოდ 1 დაწესებულებაში იყო განთავსებული ბრალდებულთა და მსჯავრდებულთა დადგენილ ლიმიტთან შედარებით ჭარბი რაოდენობა, ხოლო ბრალდებულთა და მსჯავრდებულთა დადგენილზე ნაკლები რაოდენობა 16


დაწესებულებაში იმყოფებოდა. პროცენტული სიჭარბის მაჩვენებლით პირველ ადგილზე №18 დაწესებულებაა, ხოლო დადგენილთან შედარებით ბრალდებულთა და მსჯავრდებულთა ყველაზე ნაკლები რაოდენობა პროცენტულად №11 და №7 დაწესებულებებში დაფიქსირდა.

11.7 უცხოელი ბრალდებულები და მსჯავრდებულები

უცხოელი ბრალდებულებისა და მსჯავრდებულების რაოდენობის დათვლა დაწესებულებების მიხედვით მიმდინარეობს.

საქართველოს სასჯელაღსრულებით სისტემაში მოთავსებული 34 უცხო ქვეყნის მოქალაქეების საერთო რიცხვი მიმდინარე წლის დეკემბრის დასასრულს 307 (პატიმართა საერთო რაოდენობის 1.6%) იყო, მათ შორის (№8 და №1 დაწესებულებები) 9 ორმაგი მოქალაქეობის (3 - რუსეთი-საქართველო, 2 - აზერბაიჯანი-საქართველო, 1 - ირანი-საქართველო, 1 - შვეიცარია-თურქეთი, 1 - აშშ-ისრაელი, 1 - ბელგია-საქართველო). ასევე, №8 დაწესებულებაში იმყოფება 1 მისამართის არმქონე (ლიბანის აზადავის ლტოლვილთა ბანაკიდან) და №14 დაწესებულებაში 2 მოქალაქეობის არმქონე პატიმარი. ქვემოთ დიაგრამაზე მოცემულია უცხოელ მოქალაქეთა საერთო რაოდენობის პროცენტული შემადგენლობა (იხ. დანართი, ცხრილი №30):

უცხოელი ბრალდებულები და მსჯავრდებულები




როგორც ამ დიაგრამიდან ჩანს უცხოელთა უმრავლესობას ყოფილი საბჭოთა კავშირის ქვეყნების მოქალაქეები შეადგენენ. უცხოელთაგან უდიდესი ნაწილი აზერბაიჯანელებზე, რუსებზე, სომხებსა და თურქებზე მოდის. შედარებით ნაკლები მაჩვენებლებით ხასიათდებიან ისრაელი, ბანგლადეში, უკრაინა, ირანი და დანარჩენი ქვეყნები.

11.8 პატიმრობისა და თავისუფლების აღკვეთის დაწესებულებებიდან გასულ ბრალდებულთა და მსჯავრდებულთა რაოდენობა

2012 წლის დეკემბერში პატიმრობისა და თ/ა დაწესებულებებში განთავსებულ პირთა რაოდენობამ წინა თვესთან შედარებით 1 820 ერთეულით დაიკლო. ქვემოთ ნაჩვენებია საანგარიშო პერიოდისთვის სასჯელაღსრულების სისტემიდან გასულ პატიმართა საერთო რაოდენობა (იხ. დანართი, ცხრილი №31):

სასჯელაღსრულების სისტემიდან გასული ბრალდებულები და მსჯავრდებულები



როგორც ვხედავთ, სასჯელაღსრულების სისტემიდან გასულ პატიმართა უდიდესი წილი შეწყალებულზე მოდის. ასევე, მაღალი მაჩვენებლით ხასიათდება კალენდარული და პირობით ვადამდე გათავისუფლებული მსჯავრდებულები. შედარებით დაბალი მაჩვენებლით არის წარმოდგენილი განაჩენის აღსრულების გადავადება (ავადმყოფობით), გათავისუფლება ავადმყოფობის ან ხანდაზმული ასაკის გამო და გარდაცვალება. ხოლო სხვა სახით გათავისუფლებულთა (გირაო, საქმის შეწყვეტა, ექსტრადიცია და სხვა) საერთო რაოდენობა (265) მთლიანი რაოდენობის 14.6%-ს შეადგენს.


11.9 რესოციალიზაცია⁹

რესოციალიზაციის მიმდინარეობის მაჩვენებელი თითოეული დაწესებულებისთვის ღონისძიებათა ტიპების მიხედვით ითვლება. ამ მიზნით ხდება თითოეულ პროგრამაში ჩართული პატიმრების საერთო რაოდენობის აღრიცხვა და მათი დაყოფა სქესობრივ-ასაკობრივ ჯგუფებში.

2012 წლის დეკემბერში პატიმრობისა და თ/ა დაწესებულებებში რესოციალიზაციის პროგრამები სულ 390 პირისთვის მოქმედებდა. ყველაზე დიდი ადგილი აღნიშნულ პროგრამებში ქვემოთ მოცემული მაჩვენებლების მიხედვით ფსიქო-სოციალურ რეაბილიტაციასა და სახელობო განათლებას უკავია, რომლებიც საანგარიშო პერიოდში შესაბამისად 174 და 63 პირისთვის მიმდინარეობდა.

დიაგრამაზე ნაჩვენებია თითოეულ რესოციალიზაციის პროგრამაში ჩართული პატიმრების რაოდენობის პროცენტული შედარება (იხ. დანართი, ცხრილი №32):


რესოციალიზაციის პროგრამებში ჩართული პატიმრები



ფსიქო-სოც. რეაბილიტაციის, სახელობო განათლებისა და კულტურული ღონისძიებების პროგრამებში სრულწლოვან კონტიგენტთან ერთად ჩართული იყვნენ არასრულწლოვნებიც, ხოლო პროფესიული განათლებისა და შრომით საქმიანობაში პატიმართა მხოლოდ სრულწლოვანი კონტიგენტი იყო ჩართული. ასევე, 53 არასრულწლოვანი პატიმარი ზოგადი განათლების პროგრამაში ფიქსირდებოდა (იხ. დანართი, ცხრილი №32).

⁹ რესოციალიზაციის მონაცემები მოიცავს როგორც მიმდინარე (188), ასევე საანგარიშო თვეში დასრულებულ პროგრამებს (202).

რესოციალიზაციის პროგრამებში ჩართული პატიმრები სქესობრივ-საკობრივ ჭრილში



რაც შეეხება გარესამყაროსთან ურთიერთობას, საანგარიშო თვის განმავლობაში პატიმრებმა პაემნის უფლებით სულ 11 513-ჯერ ისარგებლეს. მათგან 11 072 პაემანი ხანმოკლე, 369 - ხანგრძლივი, ხოლო 72 - ვიდეო იყო.


11.10 დისციპლინური ღონისძიებები

საანგარიშო პერიოდში დისციპლინური ღონისძიება პატიმრობისა და თ/ა დაწესებულებებში 120-ჯერ იქნა გამოყენებული, მათგან 56-ჯერ საყვედურის გამოცხადებით და 64-ჯერ სამართლო საკანში მოთავსებით (იხ. დანართი, ცხრილი №32).

11.11 სასჯელადსრულების სისტემაში და სისტემის გარეთ გადაყვანილ ბრალდებულთა და მსჯავრდებულთა რაოდენობა

2012 წლის დეკემბერში სასჯელადსრულებით სისტემაში დაწესებულებებს შორის სულ 991 პირის გადაადგილება დაფიქსირდა. მათგან ყველაზე დიდი წილი გადაყვანილ იქნა სხვა პატიმრობისა და თ/ა დაწესებულებებში, ხოლო სასჯელადსრულების სისტემის გარეთ საერთო პროფილის საავადმყოფოებში გადაყვანილ პირთა რაოდენობამ სულ 186 შეადგინა (იხ. დანართი, ცხრილი №33).

გადაყვანილი ბრალდებულები და მსჯავრდებულები




11.12 კრიმინოგენული მდგომარეობა პატიმრობისა და თავისუფლების აღკვეთის დაწესებულებებში

დანაშაულებრივი ფაქტების ჩადენის მაჩვენებელი სასჯელადსრულების სისტემაში გამოითვლება თითოეული დაწესებულებისთვის სსკ მუხლებით გათვალისწინებული ქმედებების მიხედვით, რაც დაწესებულებებში კრიმინოგენული ვითარების ცალ-ცალკე ჩვენების გარდა საერთო ვითარების ასახვის საშუალებასაც იძლევა. გარდა ამისა, კრიმინოგენული სიტუაციის აღმრიცხავი მონაცემთა ცხრილები დანაშაულებრივი ფაქტებისა და მათ ჩამდენ პირთა ასაკის ურთიერთმიმართებასაც აჩვენებს.

სამინისტროს საგამოძიებო დეპარტამენტის ინფორმაციაზე დაყრდნობით 2012 წლის დეკემბერში საქართველოს სასჯელადსრულებით სისტემაში მომხდარი გამოსაძიებელი ფაქტების რაოდენობამ სისხლის სამართლის კოდექსის 16 მუხლით გათვალისწინებული 46 ერთეული ქმედება შეადგინა. მათგან ყველაზე მეტი ხვედრითი წილი სსკ 118-ე მუხლით ჩადენილ ქმედებებზე (ჯანმრთელობის განზრახ ნაკლებად მძიმე დაზიანება) მოდის. ა/წ დეკემბერში ეს მაჩვენებელი 10 ერთეულს გაუტოლდა.

ქვემოთ მოცემულ დიაგრამაზე ნაჩვენებია მიმდინარე წლის დეკემბრის თვეში გამოძიების დაწყების საფუძველად ქცეული დანაშაულებრივი ფაქტების რაოდენობა და მათი ხვედრითი წილი საერთო რაოდენობაში (იხ. დანართი, ცხრილი №34):

**დანაშაულებრივი ფაქტები, რომლებზეც დაიწყო
გამოძიება**




კატეგორიაში „სხვა“ ერთიანდება სსკ-ის 151-ე, 181-ე, 260-ე, 261-ე, 341-ე და 362-ე მუხლები.

**2012 წლის დეკემბრის თვეში ჩადენილი დანაშაულებრივი ფაქტები
დაწესებულებებსა და დაწესებულებების გარეთ პირთა ასაკობრივი ჯგუფების მიხედვით**


2012 წლის დეკემბერში გამოძიება 14 სხვადასხვა დაწესებულებასა და დაწესებულების გარეთ მომხდარ ფაქტებზე დაიწყო. შემდეგი გრაფიკი თითოეულ დაწესებულებაში ჩადენილი ფაქტების პროცენტულ მაჩვენებელს ასახავს (იხ. დანართი, ცხრილი №34).

ჩადენილი დანაშაულებრივი ფაქტები



საანგარიშო პერიოდში გამოძიება ჩადენილ დანაშაულებრივ ფაქტზე სულ 39 პირის მიმართ¹⁰ წარიმართა. გამოძიების ობიექტი ქმედების ჩამდენ პირთა საერთო რაოდენობის უმრავლესობას 25-35 და 35-45 წლამდე ასაკის პირები შეადგენდნენ. ქვემოთ ნაჩვენებ დიაგრამაზე ასახულია 2012 წლის დეკემბერში ჩადენილი ქმედებებისა და ჩამდენ პირთა ასაკობრივი კატეგორიების ურთიერთმიმართება (იხ. დანართი, ცხრილი №35):

პირთა რაოდენობა, რომელთა მიმართაც დაწყებულია გამოძიება



¹⁰ სსკ 177-ე (2 საქმე), 181-ე (1 საქმე), 260-ე (1 საქმე), 362-ე (1 საქმე) და 378² (4 საქმე) მუხლებით გათვალისწინებულ ქმედებებზე გამოძიება დაწყებულია ფაქტებზე პირების გარეშე, ხოლო 378-ე მუხლით 1 საქმეში ფიგურირებს 3 პირი.


11.13 სამედიცინო მდგომარეობა პაციმრობისა და თავისუფლების აღკვეთის დაწესებულებებში

ა) დაავადებები

სამინისტროს სამედიცინო დეპარტამენტის მონაცემებით 2012 წლის დეკემბერში ექიმ-სპეციალისტთა კონსულტაციების შედეგად გამოვლენილ სხვადასხვა სახეობის დაავადებათა საერთო რაოდენობა 2 801-ს გაუტოლდა. ქვემოთ მოცემულ დიაგრამაზე ნაჩვენებია დაავადებულთა ხვედრითი წილი კონკრეტული დაავადების მიხედვით. სამედიცინო მდგომარეობის ამსახველი მონაცემთა ცხრილები ასევე იძლევა დაავადებების სქესობრივ-ასაკობრივ ჯგუფებში გავრცელების რაოდენობრივი მასშტაბის დადგენის საშუალებას.


სასჯელადსრულებით სისტემაში გავრცელებული დაავადებებიდან ყველაზე დიდი წილი სტომატოლოგიურ დაავადებებზე მოდის, ასევე გავრცელებულია თვითდაზიანება და ტრამვები და გრძობათა ორგანოების დაავადებები. შედარებით მცირე მაჩვენებლებით ხასიათდებიან ძვალ-სახსროვანი სისტემისა და შემაერთებული ქსოვილის (25), ინფექციური (18), მწვავე ქირურგიული (12), ენდოკრინული სისტემისა (6), ჰემატოლოგიური (2) და ონკოლოგიური (1) დაავადებები, რომლებიც ქვემოთ დიაგრამაზე გაერთიანებულია კატეგორიაში „სხვა“ (იხ. დანართი, ცხრილი №36):

ავადობა სასჯელადსრულების სისტემაში




დაავადებული პირების კატეგორიაში ყველაზე მეტი მაჩვენებლით სრულწლოვანი კაცები ხასიათდებიან. დაავადებები სქესობრივ-ასაკობრივი ჯგუფების მიხედვით ქვემოთ დიაგრამაზე წარმოდგენილი (იხ. დანართი, ცხრილი №37):

დაავადებები ბრალდებულთა და მსჯავრდებულთა სქესობრივ-ასაკობრივ ჯგუფებში



შემდეგი დიაგრამა განსაზღვრავს სრულწლოვანი ქალებისა და კაცების ასაკობრივი კატეგორიების ხვედრით წილს სრულწლოვან დაავადებულთა საერთო რაოდენობაში (იხ. დანართი, ცხრილი №37):


სრულწლოვან ბრალდებულთა და მსჯავრდებულთა დაავადებები სქესობრივ-ასაკობრივ ჯგუფში




მოცემული დიაგრამიდან ჩანს, რომ ა/წ დეკემბრის თვეში დაავადებათა ყველაზე მაღალი მაჩვენებელი კაცებში 25-დან 35 წლამდე, ხოლო ქალებში 45 წლის ზემოთ ასაკობრივ კატეგორიებში ვლინდება.

შემდეგი ორი დიაგრამა აჩვენებს დაავადებათა კატეგორიების გავრცელების მასშტაბს ცალ-ცალკე მამრობითი და მდედრობითი სქესის სრულწლოვან ბრალდებულთა და მსჯავრდებულთათვის (იხ. დანართი, ცხრილი №37):

დაავადებების სრულწლოვან კაცებში




დაავადებების სრულწლოვან ქალებში



სტომატოლოგიური დაავადებების შემდეგ, მდებარეობითი სქესის სრულწლოვან ბრალდებულებსა და მსჯავრდებულებში სასუნთქი სისტემების დაავადებები და თვითდაზიანება და ტრავმები ჭარბობს, თუმცა მათი ხვედრითი წილი მნიშვნელოვნად ჩამოუვარდება სტომატოლოგიური დაავადებების მაჩვენებელს. ხოლო, ზრდასრულ მამაკაცებში სტომატოლოგიური დაავადების შემდეგ მაღალია გინეკოლოგიური დაავადებები, ასევე თვითდაზიანება და ტრავმები.

არასრულწლოვნებში დაავადებების რაოდენობა დაავადებათა მთლიანი რაოდენობის 2.5%-ს შეადგენს. მომდევნო დიაგრამაზე აღნიშნულია დაავადებათა მაჩვენებელი არასრულწლოვან პაციენტებში დაავადების კატეგორიის მიხედვით (იხ. დანართი, ცხრილი №37):

დაავადებები არასრულწლოვან პაციენტებში



როგორც ვხედავთ 2012 წლის დეკემბერში არასრულწლოვან პაციენტებში ყველაზე მეტად სტომატოლოგიური და თვითდაზიანება და ტრავმები იყო გავრცელებული.


ბ) მკურნალობა

პაციენტებისა და თ/ა დაწესებულებებში მკურნალობასთან დაკავშირებული მონაცემები ამ ეტაპზე წლიურ ფორმაში ყოველთვიურად გაწეული სამედიცინო დახმარების ტიპის მიხედვით ითვლება.

ამბულატორიული ვიზიტებისა და მკურნალობის გარდა, რომლითაც მიმდინარე წლის დეკემბერში ბრალდებულებმა და მსჯავრდებულებმა 38 850-ჯერ ისარგებლეს, სასჯელაღსრულებით სისტემაში 1 696-ჯერ იქნა გაწეული პირველადი სამედიცინო შემოწმება, ხოლო 91-ჯერ სასწრაფო და გეგმიური ქირურგიული დახმარება.


ქვემოთ ნაჩვენები დიაგრამა პაციენტებისა და თ/ა დაწესებულებებში განთავსებულ პირთათვის 2012 წლის დეკემბერში გაწეულ სამედიცინო დახმარებას მისი ტიპების მიხედვით წარმოგვიდგენს (იხ. დანართი, ცხრილი №38):

სამედიცინო დახმარება სასჯელადსრულების სისტემაში




ქვემოთ დიაგრამაზე ნაჩვენებია სტაციონარული მკურნალობის მიმდინარეობის მაჩვენებელი სად-ის სისტემისა და სამოქალაქო სექტორის სპეციალიზირებულ სტაციონარებში, რომელთა საერთო რაოდენობა 528-ს შეადგენს. სტაციონარულ მკურნალობაზე მეოფ პირთა უმეტესი ნაწილი (325) სამოქალაქო სექტორის სპეციალიზირებულ დაწესებულებებშია განთავსებული (იხ. დანართი, ცხრილი №38):

სტაციონარულ მკურნალობაზე მეოფთა რაოდენობა




შემდეგი დიაგრამა სტომატოლოგიური მკურნალობის მიმდინარეობისას გაწეული სხვადასხვა ტიპის დახმარების მიმდინარეობის მაჩვენებელს ასახავს (იხ. დანართი, ცხრილი №38):

სტომატოლოგიური მკურნალობა




რაც შეეხება სამედიცინო გამოკვლევებს, დეკემბერში ჩატარდა 4 ტიპის გამოკვლევა ტუბერკულოზზე, „აივ“ ინფექცია/შიდსზე, ჰეპატიტებსა და ვენერიულ დაავადებებზე. მათგან ყველაზე დიდი მაჩვენებელი რაოდენობით 8 395 ტუბერკულოზის რისკ-ჯგუფების გამოსავლენად წარმოებულ მასიურ სკრინინგზე მოდის (იხ. დანართი, ცხრილი №38).

ჩატარებული გამოკვლევები



2012 წლის დეკემბრის თვეში დაფიქსირდა სამკურნალო სარეაბილიტაციო პროგრამებში ჩართული 144 მსჯავრდებული. მათგან უმრავლესობა - 80 პირი „აივ“ ინფექცია/შიდსის ანტირეტროვირუსულ პროგრამაშია ჩართული, 37 - ტუბერკულოზის სამკურნალო „DOTS“ და „DOTS“+ პროგრამებში, 25 - „მეტადონით“ დეტოქსიკაციის პროგრამაში, ხოლო 2 - შაქრიანი და უშაქრო დიაბეტით დაავადებულთა მკურნალობისა და რეაბილიტაციის სახელწიფო პროგრამაში (ინსულინით

უზრუნველყოფა). ქვემოთ მოცემული დიაგრამა ამ მდგომარეობას ნათლად ასახავს (იხ. დანართი, ცხრილი №38):



ამავე თვეში ანტიტუბერკულოზური მკურნალობის კურსი დაასრულა სულ 78-მა მსჯავრდებულმა.

გ) გარდაცვალება

პატიმრობისა და თ/ა დაწესებულებებში გარდაცვალების ფაქტები გარდაცვალების ადგილის მიხედვით აღირიცხება და მასზე დაყრდნობით დგება ყოველთვიური ფორმა. ამასთან უნდა აღინიშნოს, რომ 2012 წლის დეკემბრის თვეში პატიმრობისა და თავისუფლების აღკვეთის დაწესებულებებში გარდაიცვალა 3 პატიმარი, მათგან 1 - სასჯელაღსრულების №6 დაწესებულებაში, ხოლო 2 - სასჯელაღსრულების №18 დაწესებულებაში (იხ. დანართი, ცხრილი №39).

ნაწილი 12 - საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს მმართველობის სფეროში მოქმედი სსიპ - პრობაციის ეროვნული სააგენტო


12.1 პრობაციონერთა რაოდენობა¹¹

პრობაციონერთა რაოდენობის სტატისტიკური მონაცემები რეგიონულად როგორც სქესობრივ-საკობრივ ჯგუფებში, ასევე შეფარდებული ღონისძიების მიხედვით ითვლება. 2012 წლის დეკემბრის მონაცემებით საქართველოში სულ 33 109 პრობაციონერი დაფიქსირდა. მათი საერთო რაოდენობით რეგიონებს შორის პირველ ადგილზეა თბილისი, ხოლო შემდეგ ადგილებზეა იმერეთი და ქვემო

¹¹ პრობაციის სტატისტიკის ნაწილში არაპატიმარი მსჯავრდებულები და პრობაციის ღონისძიებას დაქვემდებარებული პირები აღინიშნებიან საერთო ტერმინით - „პრობაციონერები“.


ქართლი. პრობაციონერთა ყველაზე მცირე რაოდენობა კი რაჭა-ლეჩხუმისა და მცხეთა-მთიანეთის რეგიონებშია დაფიქსირებული (იხ. დანართი, ცხრილი №40).

პრობაციონერები რეგიონებში



შეფარებული ღონისძიების მიხედვით ქვეყანაში პრობაციონერთა ყველაზე მეტი რაოდენობა პირობით მსჯავრდებულ პირებზე მოდის, ხოლო მცირე მაჩვენებლებით ხასიათდება რაოდენობა იმ პირებისა, რომლებსაც შეფარებული აქვთ სასჯელის მოხდის გადავადება და გამასწორებელი სამუშაოს დანიშვნა, რაც დიაგრამაზე ერთიანდება კატეგორიაში „სხვა“ (იხ. დანართი, ცხრილი №40).


პრობაციონერები შეფარებული ღონისძიების მიხედვით




როგორც დიაგრამიდან ჩანს პრობაციის ღონისძიება შეფარებულ პირთა (პირობით მსჯავრდებულები, სასჯელის მოხდისგან პვე, სასჯელის მოხდა გადავადებული და თავისუფლების

აღკვეთის შემდგომ საპრობაციო ვადადანიშნული პირები) რაოდენობა შეადგენს ზოგადად არაპატიმარ მსჯავრდებულთა და პრობაციონერთა მთლიანი რაოდენობის ძირითად მასას.


მთელი ქვეყნის მასშტაბით პრობაციონერთა სქესობრივ-ასაკობრივ ჯგუფებში უმეტესობა სრულწლოვანი კაცებით არის წარმოდგენილი, რაც ნათლად ჩანს ქვემოთ წარმოდგენილ დიაგრამაზე (იხ. დანართი, ცხრილი №41).



დანაშაულის კატეგორიისა და სახეობის მიხედვით პრობაციონერთა რაოდენობას შემდეგი დიაგრამები ასახავს (იხ. დანართი, ცხრილი №42):




**პრობაციონერები
დანაშაულის სახეობის მიხედვით**




2012 წლის დეკემბრის მონაცემებით არასრულწლოვანი პრობაციონერები (485) პრობაციონერთა საერთო რაოდენობის 1.5%-ს შეადგენენ. არასრულწლოვანი პრობაციონერების 8.2% (40) ქალია. მათი საერთო რაოდენობის კლასიფიცირება დანაშაულის კატეგორიისა და სახეობის მიხედვით შემდეგ სურათს გვაძლევს (იხ. დანართი, ცხრილი №43):

**არასრულწლოვანი პრობაციონერები დანაშაულის
კატეგორიის მიხედვით**




არასრულწლოვანი პრობაციონერები დანაშაულის სახეობის მიხედვით




არასაპატიმრო სასჯელის შეფარდება ხდება როგორც ძირითადი, ასევე დამატებითი სასჯელის სახით. არასაპატიმრო სასჯელშეფარდებული პირების რაოდენობა (1 839) პრობაციონერთა საერთო რიცხვის 5.6%-ს შეადგენს. არასაპატიმრო სასჯელშეფარდებული პირების 6.7% (124) ქალია. ა/წ დეკემბერში, ასეთ პრობაციონერებს ძირითადად თანამდებობის დაკავების ან საქმიანობის უფლებაჩამორთმეული და საზოგადოებისთვის სასარგებლო შრომადანიშნული პირები წარმოადგენდნენ. მხოლოდ ერთ პირს ჰქონდა შეფარდებული გამასწორებელი სამუშაო. საანგარიშო პერიოდში თანამდებობის დაკავების ან საქმიანობის უფლების ჩამორთმევა (როგორც ძირითადი და დამატებითი სასჯელის სახით) სულ 1 766 (საერთო რაოდენობის 96.0%), ხოლო საზოგადოებისთვის სასარგებლო შრომის დანიშვნა (როგორც ძირითადი და დამატებითი სასჯელის სახით) სულ 72 (საერთო რაოდენობის 3.9%) პირს ჰქონდა შეფარდებული (იხ. დანართი, ცხრილი №44):

**არასპატიმროსასჯელის სახით თანამდებობის დაკავების
ან საქმიანობის უფლების ჩამორთმევის
შეფარდების მაჩვენებელი**




**არასპატიმროსასჯელის სახით საზოგადოებისთვის
სასარგებლო შრომის დანიშვნის მაჩვენებელი**




პრობაციის ღონისძიებაშეფარდებულ პირთა რაოდენობა სულ 33 109-ს აღწევს. მათი ხვედრითი წილი შეფარდებული ღონისძიების მიხედვით ამგვარია (იხ. დანართი, ცხრილი №40):

პრობაციის ღონისძიების შეფარდების მაჩვენებელი



2012 წლის დეკემბერში საქართველოში 12 სხვადასხვა მოქალაქეობის 170 უცხოელი პრობაციონერი დაფიქსირდა, რაც პრობაციონერთა მთლიანი რაოდენობის 0.5%-ია. მოქალაქეობის მიხედვით მათი განაწილების მაჩვენებელი ქვემოთ დიაგრამაზე მოცემული (იხ. დანართი, ცხრილი №45):


უცხოელი პრობაციონერები მოქალაქეობის მიხედვით




12.2 პრობაციონერთა რაოდენობის მატება

2012 წლის დეკემბრის თვეში სასამართლო გადაწყვეტილება არასაკატიმრო სასჯელისა და პრობაციის ღონისძიების შეფარდების შესახებ სულ 835 პირის მიმართ იქნა გამოტანილი. შემდეგ დიაგრამაზე ასახულია ზემოთ აღნიშნული სასამართლო გადაწყვეტილებების რაოდენობა როგორც რეგიონულად, ასევე შეფარდებული ღონისძიების მიხედვით (იხ. დანართი, ცხრილი №46):

პრობაციონერების მატება რეგიონულ ჭრილში




პრობაციონერების მატება შეფარდებული ღონისძიების მიხედვით



ქვემოთ დიაგრამაზე მოცემულია მატების მაჩვენებელი 2012 წლის დეკემბრის თვისთვის სქესობრივ-ასაკობრივ ჭრილში (იხ. დანართი, ცხრილი №47):


პრობაციონერების მატება სქესობრივ-ასაკობრივ ჯგუფში



12.3 დასრულებული საქმეები

2012 წლის დეკემბერში დასრულებული საქმეები (1 884) დასრულების საფუძვლის მიხედვით ასე ნაწილდება (იხ. დანართი, ცხრილი №48):


დასრულებული საქმეები



დიაგრამაზე კატეგორიაში „სხვა“ ერთიანდება სასჯელის ვადის გასვლით, სასჯელის სხვა სახით შეცვლით, პირობითი მსჯავრის გაუქმებითა და განაჩენით დადგენილი სასჯელის აღსრულებით, სასჯელის მოუხდელი ნაწილის ვადის გასვლითა და გადავადების ვადის გასვლით (იხ. დანართი, ცხრილი №48).


დასრულებული საქმეების რაოდენობის მხრივ თბილისის შემდეგ მეორე ადგილი იმერეთის რეგიონს უკავია, ხოლო რაოდენობრივად ბოლო ადგილზე რაჭა-ლეჩხუმი და ქვემო სვანეთის რეგიონია 2 დასრულებული საქმით (იხ. დანართი, ცხრილი №48).

დასრულებული საქმეები რეგიონულ ჭრილში




დასრულებული საქმეების რაოდენობა პრობაციონერთა სქესობრივ-ასაკობრივ ჭრილში ამგვარია (იხ. დანართი, ცხრილი №49):

დასრულებული საქმეები სქესობრივ-ასაკობრივ ჭრილში



12.4 საქმეების საშუალო რაოდენობა ერთ ოფიცერზე რეგიონულ ჭრილში


2012 წლის დეკემბრის მონაცემების მიხედვით ქვეყანაში 33 109 პრობაციონერის საქმე 173 პრობაციის ოფიცერზე ნაწილდება. საქმეების საშუალო რაოდენობით ერთ ოფიცერზე რეგიონებში თბილისი ლიდერობს, რიგით მეორე ადგილზეა შიდა ქართლი. ყველაზე მცირე საშუალო მაჩვენებელი რაჭა-ლეჩხუმსა და ქვემო სვანეთში და სამცხე-ჯავახეთში დაფიქსირდა. მთლიანი ქვეყნის მასშტაბით საქმეების საშუალო რაოდენობა ერთ ოფიცერზე მიმდინარე წლის დეკემბერში 191 იყო. ქვემოთ მოცემულ გრაფიკზე საქმეების საშუალო რაოდენობის რეგიონული მაჩვენებელია ასახული (იხ. დანართი, ცხრილი №50):




12.5 პრობაციონერთა რესოციალიზაცია

2012 წლის დეკემბრის თვეში სასჯელაღსრულების, პრობაციისა და იურიდიული დახმარების საკითხთა სამინისტროს პრობაციის ეროვნული სააგენტოს ხელშეწყობით განხორციელებული რესოციალიზაციის პროგრამები 6 რეგიონში 45 პრობაციონერისთვის მოქმედებდა. ქვემოთ მოცემულ დიაგრამებზე ასახულია პრობაციონერთა რესოციალიზაციის ა/წ დეკემბრის თვის სტატისტიკა პროგრამების, სქესობრივ-ასაკობრივი და რეგიონული ჭრილის მიხედვით (იხ. დანართი, ცხრილი №51, №52, №53).


**პრობაციონერთა რესოციალიზაცია
პროგრამების მიხედვით**



**პრობაციონერთა რესოციალიზაცია
სქესობრივ-ასაკობრივ ჯგუფში**



პრობაციონერთა რესოციალიზაცია რეგიონებში



2012 წლის დეკემბრის თვეში განხორციელებული რესოციალიზაციის ღონისძიებების უმეტესი ნაწილი საზოგადოებრივ-კულტურულ საქმიანობასა და სარეაბილიტაციო-სამკურნალო პროგრამებს მიეკუთვნება, ხოლო ყველაზე მცირე მაჩვენებლით პრობაციონერთა დასაქმება ფიქსირდება.